



Annwyl Gwsmer

**Swyddfa Bost® Llanfairfechan  
Ffordd y Pentref, Llanfairfechan, LL33 0AA**

Rydym yn falch o roi gwybod i chi y bydd Swyddfa Bost Llanfairfechan, ar ôl bod ar gau dros dro, yn cael ei hailagor gennym ddydd Iau 18 Hydref 2018. Bydd mewn lleoliad newydd, sef Village Food & Wine, Ffordd y Pentref, Llanfairfechan, LL33 0NH.

Byddwn yn gosod posteri yn y lleoliad newydd i roi'r newyddion da i gwsmeriaid. Os ydych yn gynrychiolydd lleol, byddai o gymorth pe gallech rannu'r wybodaeth hon ag unrhyw grwpiau neu sefydliadau lleol yn eich cymuned – er enghraifft ar hysbysfyrddau, ymhlith elusennau lleol ac mewn meddygfeydd – er mwyn helpu ein cwsmeriaid a'ch etholwyr chi i ddeall yr hyn sy'n digwydd i'r Swyddfa Bost yn y gymuned leol. Os hoffech gael cyflenwad o'r posteri hyn, rhowch wybod i ni, os gwelwch yn dda.

Rydym yn awyddus i adfer gwasanaethau i'r gymuned hon cyn gynted â phosibl, ac felly rydym wedi penderfynu bwrw ymlaen a'n cynlluniau. Fodd bynnag, byddem yn croesawu awgrymiadau am agweddau penodol ar y newid, yn enwedig y canlynol:

- A oes gennych unrhyw sylwadau am fynediad i'r adeilad newydd?
- A oes gennych unrhyw sylwadau am hygyrchedd y tu mewn i'r adeilad newydd?

Byddwn yn derbyn sylwadau tan ddydd Mawrth 2 Hydref 2018. Ni fyddwn yn rhoi ymateb unigol i chi, ond bydd unrhyw sylwadau a dderbynnir yn cael eu hystyried wrth i ni wneud ein penderfyniadau terfynol.

Cafodd taflen wybodaeth sydd yn rhoi rhagor o fanylion am y lleoliad newydd ei hamgáu. I gael rhagor o wybodaeth neu i rannu eich sylwadau, byddwch cystal ag ymweld â'n Canolfan Ymgynghori trwy'r ddolen isod. Yna defnyddiwch y ffwythiant chwilio i gael y manylion ymgysylltiad ar gyfer y gangen hon, naill ai trwy enw'r gangen, y cod post neu'r cod unigryw ar gyfer y gangen, sef 365604

[postofficeviews.co.uk](http://postofficeviews.co.uk)

Unwaith y cwblheir y cynlluniau, byddwn yn gosod poster yn Village Food & Wine a rhoddir gwybodaeth ar ein Canolfan Ymgynghori i amlinellu'r prif sylwadau a dderbyniwyd a'n hymateb iddynt.

Mae'r cyfathrebiad hwn yn unol â'n Hegwyddorion Ymgysylltu â'r Gymuned. Mae copi ar gael ar ddiwedd y llythyr hwn.

Diolch i chi am eich cymorth i adfer gwasanaeth Swyddfa'r Post.

Yr eiddoch yn gywir

*Carol Y Williams*

**Carol Y Williams**  
**Rheolwraig Ardal dros Newidiadau i'r Rhwydwaith**

## Sut i gysylltu â ni:

- 🖥️ [postofficeviews.co.uk](http://postofficeviews.co.uk)
  - ✉️ [comments@postoffice.co.uk](mailto:comments@postoffice.co.uk)
  - ☎️ Llinell Gymorth: 03452 66 01 15  
Ffôn Testun: 03457 22 33 55
  - ✉️ FREEPOST Your Comments
- Sylwch, os gwelwch yn dda, mai hwn yw'r cyfeiriad llawn i'w ddefnyddio ac nad oes angen manylion cyfeiriad eraill.**

Eisiau rhoi eich barn i ni yn y fan a'r lle – Sganiwch yma.

Os nad oes gennych sganiwr cod QR ar eich ffôn, gallwch gael hyd i un yn eich storfa ap.



Mae Swyddfa'r Post Cyfyngedig wedi ymrwymo i ddiogelu eich preifatrwydd. Mae gwybodaeth ynghylch sut y gwnawn hyn ar ein gwefan yn [postoffice.co.uk/privacy](http://postoffice.co.uk/privacy)

Mae eitemau a anfonir trwy Radbost yn cymryd dau ddiwrnod gwaith i gyrraedd, ac felly dylai ymatebion a ddanfonir trwy Radbost gael eu postio mewn digon amser i gyrraedd cyn diwedd y cyfnod ymgysylltu. Nid yw diwrnodau gwaith yn cynnwys dydd Sadwrn na dydd Sul. Ni fydd ymatebion a dderbynnir ar ôl y dyddiad cau yn cael eu hystyried.

**I gael yr wybodaeth hon mewn fformat gwahanol, er enghraifft, print bras, sain neu braille, ffoniwch 03452 66 01 15 neu 03457 22 33 55 (ffôn testun).**

**Taflen wybodaeth Swyddfa Bost Llanfairfechan**

|  |   |      |               |     |               |     |               |     |               |      |               |     |               |     |               |
|--|---|------|---------------|-----|---------------|-----|---------------|-----|---------------|------|---------------|-----|---------------|-----|---------------|
| <b>Cyfeiriad</b>                           | <b>Village Food &amp; Wine<br/>Ffordd y Pentref<br/>Llanfairfechan<br/>LL33 0NH</b>   |      |               |     |               |     |               |     |               |      |               |     |               |     |               |
| <b>Oriau Agor<br/>Y Swyddfa Bost</b>       | <table border="1"><tr><td>Llun</td><td>07:00 – 21:00</td></tr><tr><td>Maw</td><td>07:00 – 21:00</td></tr><tr><td>Mer</td><td>07:00 – 21:00</td></tr><tr><td>Iau</td><td>07:00 – 21:00</td></tr><tr><td>Gwen</td><td>07:00 – 21:00</td></tr><tr><td>Sad</td><td>07:00 – 21:00</td></tr><tr><td>Sul</td><td>07:00 – 21:00</td></tr></table> | Llun | 07:00 – 21:00 | Maw | 07:00 – 21:00 | Mer | 07:00 – 21:00 | Iau | 07:00 – 21:00 | Gwen | 07:00 – 21:00 | Sad | 07:00 – 21:00 | Sul | 07:00 – 21:00 |
| Llun                                       | 07:00 – 21:00   |      |               |     |               |     |               |     |               |      |               |     |               |     |               |
| Maw  | 07:00 – 21:00   |      |               |     |               |     |               |     |               |      |               |     |               |     |               |
| Mer  | 07:00 – 21:00   |      |               |     |               |     |               |     |               |      |               |     |               |     |               |
| Iau  | 07:00 – 21:00   |      |               |     |               |     |               |     |               |      |               |     |               |     |               |
| Gwen                                       | 07:00 – 21:00   |      |               |     |               |     |               |     |               |      |               |     |               |     |               |
| Sad  | 07:00 – 21:00   |      |               |     |               |     |               |     |               |      |               |     |               |     |               |
| Sul  | 07:00 – 21:00   |      |               |     |               |     |               |     |               |      |               |     |               |     |               |
| <b>Pellter</b>                             | 67 metr o'r gangen bresennol, ar hyd tir amrywiol.  |      |               |     |               |     |               |     |               |      |               |     |               |     |               |
| <b>Hygyrchedd</b>                          | <b>Mynediad a chyfleusterau</b><br>Byddai gan yr adeilad newydd ddrws llydan a ramp wrth y fynedfa.<br>Y tu mewn, ceid dolen glyw a lle ar gyfer cadair olwyn.<br><br><b>Parcio</b><br>Mae modd parcio â chyfyngiadau amser wrth ymyl y ffordd y tu allan i'r adeilad newydd ac yn y cyffiniau.   |      |               |     |               |     |               |     |               |      |               |     |               |     |               |
| <b>Y Siop</b>                              | Siop Gyfleustra   |      |               |     |               |     |               |     |               |      |               |     |               |     |               |
| <b>Dyddiad/mis<br/>arfaethedig y newid</b> | Ddydd Iau, 18 Hydref 2018   |      |               |     |               |     |               |     |               |      |               |     |               |     |               |

**Gwasanaethau ar gael yn Swyddfa Bost® Llanfairfechan**

**I gael gwybodaeth ynghylch cynhyrchion sydd ar gael ffoniwch 03457 223344 neu os ydych am wybod am werth uchaf trafodion siaradwch â'r sawl sydd y pen arall i'r ffôn. Hefyd, gall cwsmeriaid siopa ar-lein yn [www.postoffice.co.uk](http://www.postoffice.co.uk)**

|   | <b>Y gangen newydd</b>  |
|---|---|
| <b>Post</b>   |   |
| Post Dosbarth Cyntaf ac Ail Ddosbarth   | ✓   |
| Stampiau, llyfrau stampiau (Dosbarth 1af: 6 a 12 yn unig, 2il Ddosbarth: 12 yn unig)  | ✓   |
| Stampiau arbennig (dyroddiad y Nadolig yn unig) a labeli post   | ✓   |
| Signed For  | ✓   |
| Special Delivery  | ✓   |
| Dychweliadau siopa o gartref  | ✓   |
| Parseli mewndirol bach, cymedrol a mawr   | ✓   |
| Parseli Express a contract  | ✓   |
| Post Lluoedd Prydain (BFPO)   | ✓   |
| Llythyrau a chardiau post Rhyngwladol (yn cynnwys Signed For ac Airsure)  | ✓   |
| Parseli Rhyngwladol hyd at 2kg a phapurau printiedig hyd at 5kg   | ✓   |
| Parseli Parcelforce Worldwide Rhyngwladol   | ✓   |
| Eitemau i'r Deillion (mewndirol a rhyngwladol)  | ✓   |
| Gwasanaeth ailgyfeirio'r Post Brenhinol   | ✓   |
| Local Collect   | ✓   |
| Drop & Go   | ✓   |
| <b>Codi arian, adneuo a thaliadau</b>   |   |
| Cyfrif Cerdyn Swyddfa'r Post  | ✓   |
| Bancio Personol a Busnes: codi arian, adneuo, ymholiadau balans ac adneuo sieciau mewn amlen. (cerdyn, codau bar neu â llaw). | ✓   |
| Archebion Post  | ✓   |
| Moneygram   | ✓   |
| Rhoi newid  | ✓   |
| <b>Talu Biliau</b>  |   |
| Talu biliau (cerdyn, â chod bar neu â llaw)   | ✓   |
| Adlenwi allweddi  | ✓   |
| <b>Trwyddedau</b>   |   |
| Trwyddedau pysgota â gwialen  | ✓   |
| <b>Teithio</b>  |   |
| Arian Teithio wedi'i archebu o flaen llaw   | ✓   |
| Atgyfeirio yswiriant teithio  | ✓   |
| <b>Talu â siec</b>  |   |
| Mae cynhyrchion eraill ar gael yn Swyddfa Bost <b>Conwy</b> ,<br>7 Sgwâr Lancaster, Conwy, LL32 8HT                           | Oriau agor:<br>Llun 08:30–17:30<br>Maw, Mer, Iau, Gwen 09:00–17:30<br>Sad 09:00–12:30 |

## **Egwyddorion Ymgysylltu â'r Gymuned ynghylch newidiadau i rwydwaith Swyddfa'r Post**

Rydym wedi ymrwymo i ymgysylltu â'n cwsmeriaid a'u cynrychiolwyr ac i'w cefnogi wrth i ni wneud newidiadau i rwydwaith Swyddfa'r Post. Dilyniir yr egwyddorion a ganlyn wrth gyfathrebu am newidiadau i'ch cangen Swyddfa'r Post leol

Byddwn yn **Hysbysu** – pan fyddwn yn rhoi gwybod i gwsmeriaid am newidiadau ynghylch:

- Oriau Agor
- Cau dros dro<sup>1</sup>/ ymyriad dros dro i wasanaeth
- Ailagor cangen a gaewyd dros dro yn yr un safle
- Agor cangen newydd nad yw'n ymwneud â changen a gaewyd yn flaenorol
- Lleoliad yn cael ei ddefnyddio gan Swyddfa Bost Symudol mewn cymuned

Byddwn yn gosod poster yn y gangen (neu gerllaw os yw hynny'n priodol) er mwyn hysbysu cwsmeriaid am y newidiadau uchod, gan roi pedair wythnos o rybudd. Pan nad oes modd rhoi pedair wythnos o rybudd, byddwn yn rhoi rhybudd cyn gynted ag y gallwn. Ar gyfer pob cau dros dro, byddwn yn cynnwys manylion am y Swyddfeydd Post eraill agosaf a'n llinell gymorth / ffôn testun i gwsmeriaid.

Byddwn yn **Ymgysylltu** – pan fyddwn yn ceisio adborth am benderfyniad a wnaed ynghylch:

- Ailagor cangen a gaewyd dros dro mewn lleoliad newydd (os yw cangen wedi bod ar gau am fwy na thri mis)
- Masnachfreintio cangen â Rheolaeth-Uniongyrchol yn ei safle cyfredol

Er y gwnaed y penderfyniad i fwrw ymlaen, byddwn yn croesawu awgrymiadau ynghylch agweddau penodol ar y newid, megis trefniadau mynediad a'r dyluniad mewnol. Byddwn yn rhoi pedair wythnos o rybudd neu, os yw amgylchiadau esgusodol yn atal hyn, byddwn yn rhoi cymaint o rybudd â phosibl.

Yn ystod y cyfnod hwn byddwn yn gosod poster yn y gangen ac yn darparu gwybodaeth ar-lein. Byddwn yn cysylltu â chynrychiolwyr etholedig lleol<sup>2</sup>, y Cyrff Eirioli Defnyddwyr ac elusennau dewisol<sup>3</sup>, i roi gwybodaeth glir am unrhyw newidiadau i wasanaethau neu drefniadau ynghylch mynediad i'r gangen. Byddwn yn gofyn i gynrychiolwyr etholedig lleol rannu gwybodaeth trwy gyfryngau cymunedol eraill (megis hysbysfyrddau, elusennau lleol, cylchgronau, meddygfeydd, etc.). Byddwn yn cyhoeddi canlyniad yr ymgysylltiad ar-lein ac yn y gangen, gan roi crynodeb o'r materion allweddol a godwyd, ynghyd ag ymateb i bob un ac unrhyw newidiadau a wnaed i'n cynlluniau gwreiddiol.

Byddwn yn **Ymgynghori** – pan fyddwn yn chwilio am ymateb i argymhellion cyn gwneud penderfyniad ynghylch:

- Cau cangen Swyddfa'r Post<sup>4</sup> yn barhaol
- Adleoli cangen Swyddfa'r Post yn barhaol (gan gynnwys masnachfreintio cangen â Rheolaeth-Uniongyrchol i safle newydd)

Byddwn yn cynnal ymgynghoriad cyhoeddus lleol dros gyfnod o chwe wythnos<sup>5</sup> er mwyn rhoi gwybod i gynrychiolwyr etholedig lleol, Cyrff Eirioli Defnyddwyr ac elusennau dewisol am yr argymhelliad. Bydd yr wybodaeth hon ar gael hefyd ar-lein ac ar gyfer cangen â Rheolaeth Uniongyrchol cyflwynir datganiad newyddion i'r cyfryngau lleol. Byddwn yn gofyn i gynrychiolwyr etholedig lleol rannu gwybodaeth trwy gyfryngau cymunedol eraill (megis hysbysfyrddau, elusennau lleol, cylchgronau, meddygfeydd, etc.).

Bydd yr ymgynghoriad yn golygu gofyn cwestiynau penodol pan fyddwn yn dymuno cael adborth ynghylch mynediad i wasanaethau Swyddfa'r Post a bydd yn cadarnhau dyddiad y newid os taw'r penderfyniad yw i fwrw ymlaen. Byddwn yn rhoi gwybodaeth glir am unrhyw newidiadau i wasanaethau yn ogystal â mynediad i'r gangen newydd a'r tu mewn iddi.

Rydym yn croesawu pob adborth ac mae'r holl ffactorau isod yn cael eu hystyried wrth i ni wneud ein penderfyniad; disgwylir y gwneir y penderfyniad hwnnw o fewn pedair wythnos i ddiwedd yr ymgynghoriad:

- Mynediad cwsmeriaid i, i mewn i a'r tu mewn i'r gangen /canghennau newydd neu amgen, gydag ystyriaeth benodol i ddefnyddwyr sydd yn agored i niwed
- Unrhyw faterion cymunedol lleol a allai gael eu heffeithio gan yr argymhelliad neu ddylanwadu arno

Ar ddiwedd y broses ymgynghorol byddwn yn ysgrifennu at gynrychiolwyr etholedig lleol, Cyrff Eirioli Defnyddwyr ac ymatebwyr i'r ymgynghoriad (os yw hynny'n ymarferol) er mwyn cadarnhau ein penderfyniad a rhoi crynodeb o'r materion allweddol a godwyd, ynghyd ag ymateb clir i bob un. Bydd yr wybodaeth ar gael ar-lein ac yn y gangen (pan fo hynny'n bosibl).

***Cafodd yr Egwyddorion hyn eu cytuno â Chyngor ar Bopeth, Cyngor ar Bopeth yr Alban a Chyngor y Defnyddwyr yng Ngogledd Iwerddon, sef cyrff gwarchod statudol annibynnol y defnyddwyr.***

*Beth i'w wneud os ydych yn teimlo na ddilynwyd yr Egwyddorion hyn:*

Cysylltwch â ni fel y gallwn ymchwilio i'ch cwyn. Yn ein hymateb byddwn yn esbonio a ydym yn credu ein bod wedi dilyn ein Hegwyddorion Ymgysylltu â'r Gymuned a chewch y manylion cyswllt ar gyfer y corff gwarchod defnyddwyr priodol (Cyngor ar Bopeth, Cyngor ar Bopeth yr Alban neu Gyngor y Defnyddwyr yng Ngogledd Iwerddon) os nad ydych yn fodlon â'n hymateb. Bydd y corff gwarchod yn gwneud asesiad annibynnol i ganfod a ydych wedi dilyn y broses Egwyddorion Ymgysylltu â'r Gymuned (yn hytrach na'r penderfyniad ei hun) ac yn argymhell unrhyw weithredu ynghylch y gwŷn).

**postofficeviews. co.uk.**

**comments@postoffice.co.uk**

**FREEPOST Your Comments**

**Ffoniwch: 03452 66 01 15**

**Ffôn Testun: 03457 22 33 55**

<sup>1</sup> Rhoddwn ddiweddariad i gynrychiolwyr etholedig lleol os nad yw statws y gangen sydd ar gau dros dro wedi newid ar ôl 12 mis.

<sup>2</sup> Mae cynrychiolwyr etholedig lleol yn cynnwys ond heb fod yn gyfyngedig i'r Aelod Seneddol, Senedd yr Alban, Cynulliad Cymru, neu Gynulliad Gogledd Iwerddon, Prif Weithredwr yr Awdurdod Lleol, Cynghorwyr Ward, Y Cyngor Cymuned neu'r Cyngor Plwyf.

<sup>3</sup> Yr elusennau dethol yw Cyngor ar Bopeth, Age UK, Disability Action Gogledd Iwerddon a Rhwydwaith Cymunedau Gwledig Gogledd Iwerddon. Anogir y sawl y cyfeirir atynt yn 2 a 3 uchod i rannu pob gwybodaeth â grwpiau a sefydliadau lleol a allai fod a diddordeb gweithredol mewn newidiadau i'w Swyddfa Bost leol.

<sup>4</sup> Gall fod nifer fach o achosion pan, oherwydd amgylchiadau y tu hwnt i'n rheolaeth, nad oes gennym unrhyw ddewis ond i gau cangen mewn lleoliad penodol yn barhaol. Mewn achosion o'r fath byddwn yn ceisio adborth ynghylch darpariaeth Swyddfa'r Post amgen yn yr ardal.

<sup>5</sup> Os yw'r ymgynghoriad yn cynnwys mwy na phedair wythnos ym mis Gorffennaf yn Yr Alban a Gogledd Iwerddon neu fwy na phedair wythnos ym mis Awst yng Nghymru a Lloegr, byddwn yn estyn y cyfnod am un wythnos galendr. Ni fyddwn yn dechrau unrhyw ymgynghoriadau cyhoeddus lleol yn ystod y bythefnos sydd yn cynnwys gwyliau banc y Nadolig a'r Flwyddyn Newydd.